

特116

534

藤江詩稿

0 1 2 3 4 5 6 7 8 9 10 11 12 13 14 15 16 17 18 19 20 21 22 23 24 25

始





47116  
534



藤

江

詩

稿



大正

18.10.9

内交

序

予與日笠君藤江相識有年矣嘗見誘遊下津井賞海山之勝  
窃知其志之所存藤江嗜詩又嗜茶其詩所得數百首將印行  
以頒同人徵予弁言藤江居在藤戶與牛窻相去不太遠然公  
路無設道途阻隔往來不便故未得屢相會以觀其全集卽未  
知其詩風如何也聞藤江年五十遊有馬有所感乃立志賦詩  
遂讓家其息拋人間名利之事構聽烏莊於岡山旭川水畔孝  
事老萱及老萱歿時或遊下津井起臥其別墅凌滄園以弄海  
山之勝與鷗鷺伍與老漁伴時或歸其居滄桑庵汲清泉聽松



籟架鏡以自樂夫詩者志之所發焉是以推其行而知其志因其志而徵其詩雖未悉觀其集可以領其詩風近年漢學拂地孔子之教不行作詩者加多而概無經學是以觀其詩則高雅真逸問其志則不免以供於鈞名求寵之具大家往往爲然世風之弊如此可嘆夫又聞藤江於詩耳目所觸感懷乃發吟哦成詩無些虛構不敢求巧則其詩之與世風異其撰亦可知矣因以此冠卷首欲待其集之出而徵之矣

梅崖學人 山 本 憲

大正十三年七月

藤江詩稿 四集

黃薇 藤江 日笠哲夫

滄桑庵所見 十七首

藤戶浦

岩溪雲川日願望低徊無限餘波

與誰弔古話當年戰跡茫茫水接天落日蕭條藤戶浦

沙禽飛出荻洲煙

高島

孤嶼如螺對海門老松交翠挾紅噉緬懷神武東征日



駐蹕于今遺趾存

經寺老松

停筇四顧易消魂  
牧笛樵歌日欲昏  
此是英雄埋骨處  
千秋唯有老松存

金甲峰

老翠千秋有兩松  
此公敢受大夫封  
風煙亦是借顏色  
翠蓋高擎金甲峰

小芙蓉

一聲緩度隔溪鐘  
起倚欄干豁我胸  
雨後山光青欲滴

亦是二字轉化自在

納字有來歷

書憲曉納小芙蓉

聽子規

四面青山紫翠中  
三春芳事夢忽忽  
雨中杜宇一聲後  
躑躅花含啼血紅

聞蛙

幽居着此一閒翁  
脩竹池邊緣作叢  
鼓吹吟情何物是  
蛙聲湧出月明中

題壁

小齊獨坐試長吟  
滿目風光足慰心  
遠膝兒孫嬉戲處

造語太好

鼓吹不助癡語蛙亦不鈍也



新居絕愛一林深

望兒島灣

山上結廬身欲仙  
何時滄海變桑田  
農家多少炊煙起  
思到刀兵歷劫年

秋曉

曉鐘通枕出秋床  
行曳吟筇過曲塘  
憐此無名秋逕草  
風邊露底着花香  
草廬相對福南峰  
衝破秋眠山寺鐘  
起啓書窻天未曉  
一痕殘月挂庭松

結語逆插自見感慨

幽意清趣的是深人之語

即景之語亦好

聞蟲

人海風波我不關  
身居世外隔塵寰  
中秋節近露初白  
月下蟲聲欲撼山

鴻鳥經寺

瑠璃寶寺四禪天  
劫後山河幾百年  
尋入白雲秋一路  
松陰逢着縞衣仙

滄桑庵

閉戶先生避世塵  
欲追覓句姓陳人  
花開花落臥高枕  
唯有山禽獨惜春

一棹滅山今見生用妙在  
假實之外

其韻清亮魚山梵唄不及

高尙其志初有此詩



開通佳什

老來性癖接人疎容膝乾坤一草廬青藜埋庭門又掩  
心耽茶酒與琴書

中秋步月

閒醉微吟引杖遲步過夜半苦思詩蕉翁好句初知妙  
明月隨吾同遠池

懷季男庸在東都大森

秋天一碧覺星寒新雁飛時獨倚欄兩地金風今夜月  
老爺遙在故園看

凌滄園 七首

逸齊隨筆中亦有此語

恩愛之意流露行間讀者亦多情

待月

海樓呼酒待嫦娥釣艇歸來聞棹歌天半鷺巢千尺嶽  
清光射影漾金波  
繁薄樽前常解衣傾杯好待月生輝一聲忽起漁家傲  
知是釣舟吹笛歸

筆海晚景

筆海煙波望渺茫遙岑寸碧是何鄉夕陽葉葉風帆起  
點點白鷗飛作行  
處處紅樓曲曲欄前灣是海後峰巒樵歌漁笛互相和

亦一片宮商

展作二句

神來之候



人作丹青點景看

朝望

模糊濃霧鎖波門坐待朝雲吐  
旭嗽畫出海陽明媚色  
象頭山大壓乾坤

月下舟游

漁笛聲聲破水煙飄飄欲化羽衣仙  
江山有此好風月  
舟任所之歌叩舷

觀月

逢此秋宵遊意閒海風自足拂酩顏  
管絃聲絕尤清寂

讀者亦飄飄欲羽化

漁渠似畫

明月慙慙送我還

旭江高樓與淺井春泉老兄飲

次其見似詩韻 二首

三橋斜架旭江流江上青山映畫樓  
一道高潮方漲碧  
柳汀撐出釣魚舟  
携手重登舊酒樓依然風月旭江流  
醉中忽聽漁歌起  
落日歸帆橋外舟

夏日寄春泉翁

碧樹幽庭聽鳥聲濃陰滴翠涇軒楹  
百年天地行藏跡

千頃日作村與八首中有  
修吏政須除草野人心  
欲飲香芹一聯



修吏傳中曾著名

夏日訪聚光院圓山要宗禪師

梵鐘一路隔林聞  
來聽禪談香手焚  
疎雨斜陽紅未斂  
蜻蜓無數衆如雲

獨樂庵

綠樹陰中此卜居  
餘生方覺世緣疎  
閒中獨樂無他事  
滿室松風滿架書

次警視淺野梁川兄見似詩韻

身居劇職愛風流  
琴浦逍遙心自悠  
一望蒼茫天地大

化機在手

清氣遠出語無塵滓

男兒可莫四方游

夏日參拜建部八幡宮 吾祖顯房新顯所

石徑苔深步步危  
溪風六月拜崇祠  
老杉百尺參天樹  
猶拜祖公親種時

福渡打魚 二首

清川滾滾激岩流  
篷底微吟載酒游  
三五漁夫爭下網  
波閒魚躍入輕舟  
一風驅雨水之鄉  
數點篝燈夜有光  
網得溪魚須上膳  
江鄉新味我先嘗

一讀饒延爲長



悼大森馬之

誠心一貫使人知  
惚爾蘭枯吾尙悲  
若有春風能護謝  
國香還放豈無時

贈三宅暢園翁

紅顏八秩體猶肥  
遠膝兒孫着綵衣  
老腕揮來真健筆  
雲煙起紙見龍飛

後樂園口占 二首

名園後樂旭江湄  
仙鶴成群繞鏡池  
善政流風猶足想  
遊人此意有誰知

曲欄十二枕晴川  
幾隊溪魚戲碧蓮  
此地割烹尤適口  
食單涼益酒樽前

青山城 吾祖賴房居城

祖公突擊解重圍  
戰血淋漓濺鐵衣  
千古青山城下月  
一鷗忽破亂雲飛

觀月

微醉高吟步步閒  
郊原百里四無山  
如何明歲中秋會  
對月情懷豈等閒

秋日登彥山

神全氣足

明年此會誰尤健  
醉把茶  
黃仔細看亦此意



此中有異趣

芒鞋竹杖試登攀  
鳥道纔通峭壁開  
好與兒孫松下坐  
飽聽泉韻飽看山

辛酉社頭曉

神山草木向欣榮  
篝火鈴川點點明  
侵夜蒼民先肅拜  
金雞報曉一聲鳴

寄題元池田大府老臣垣見君

竹林園鄉校

老臣甲第是鄉賢  
世變年移存舊名  
一境四圍皆有竹  
清風吹起讀書聲

詩亦如開經誦之聲洋洋乎盈耳

京都觀楓 五首

樽尾

萬樹霜楓遠碧巔  
千尋直下水涓涓  
青苔滿地新敷錦  
山僧指佛說因緣

橫尾

西渡溪橋有寺門  
紅楓霜後賁乾坤  
掃痕如水塵全絕  
一路白雲隨處屯

高尾

老楓千樹染霜紅  
片錦紛紛舞晚風  
賣酒旗亭爭引容



相呼相喚夕陽中

嵐峽

渡月長橋架彩虹前峰隔水有霜楓斜陽影映秋山錦  
酒旆青邊萬樹紅

日吉神社

叡麓祇林映大湖老楓古檜畫中圖千秋廟貌儼然在  
時聽啞啞枝上烏

別府遊草 十二首

雪後過伊豫海峽

寫景新雋

篷窻夢破拜朝暾戴雪連峰接海門向背玲瓏無寸碧  
一雙白鷺去無痕

溫泉

別府灣頭枕海洋水通火井沸成湯呼杯浴後倚欄角  
又對潮風洗旅腸

公園

園無雜木更成叢日射松林翠色中一路泉清砂白境  
老龍擁護舊行宮

溫潮泉

結七字渾成無痕



此景予未經一寓目

奇景可想

詩亦與怒濤爭其雄

亦實景宛然如親

春潮生處變溫泉沸沸平沙曉吐煙一浴初休先一憩  
漁歌何處有歸船  
潮泉沸沸總如湯天惠看來此浴場霧鎖四邊人不見  
一呼一吸淨人腸

海樓

低迷帆影渺長空健鶴高翔擊晚風衝岸怒濤千尺雪  
一齊飛入海樓中  
蒸煙淡淡忽遮欄咫尺風光看不看無端眼界俄然變  
波開躍出幾峰巒

本地勝概稍屬費風景其繁華可知

亦巧實寫

有情有景

日日四來游浴賓紅樓櫓比枕湘濱波光瀲灩豐洋勝  
收拾吟囊有幾人  
靈泉洗盡客中愁湯女叮嚀一笑留賈舶估帆來又去  
萬檣林立不離樓  
浴後振衣百尺樓白帆影似逐波鷗春潮一碧晴如畫  
隔海遙岑是豫州

船窗所見

解纜更闌向故園孤篷時揭慰吟魂一天千里今夜月  
送我依依入海門



君詩寫海上景最知其妙  
蓋平生所見故有此佳處

滿月成珠門上懸孤應想  
香水浴鳳之時

過伊豫海峽

帆腹孕風追白鷗星羅群島影如浮夕陽明媚天然景  
始見人閒有十洲

辛酉春次男有二在浪華郊外

螢池客舍初舉男聞報記喜

曉鵲巡檐麗旭光聲聲似報我家慶飛來一電牽吾喜  
門上懸弧祝弄璋

傳教大師千百年遠忌

叡嶽風煙護梵王高僧立錫此靈場法燈不滅千年後

仰望諸天佛日光

辛酉初夏遊洛 七首

御所

塵收輦路白砂平千古平安舊帝城萬樹青松紫宸殿  
觚稜高映五雲明

大宮 有紀貫之趾

深宮樹色欲參天滿眼風煙古鴨川歌聖草廬何處覓  
恩碑長在苑中傳

桂離宮 月波扁額松花堂筆

宮禁詩亦得麗則



桂樹中庭交萬枝  
重重翠葉見華滋  
月波臺榭無人到  
明月依依來浴池

修學離宮

清泉傳響入宮池  
戲水恩魚樂可知  
綠撲鬚眉新樹色  
一聲隔葉有黃鸝

詩仙堂

中使過門不出廬  
幽庭樹竹影交加  
楣閒留得詩仙像  
遺愛清琴遺愛書

上賀茂

其景在目幽靜可想

有客同車上鴨川  
崇祠一拜漱神泉  
松杉午暗翠將滴  
廟貌千秋自儼然

訪紫野聚光院圓山要宗禪師

訪僧一路入山門  
半日清談情味溫  
悟道何時開隻眼  
夢耶非夢欲忘言

賴仁親王墓

逆臣已忘帝家尊  
賊焰當年到燎原  
來吊山村埋骨地  
碑陰宿草護王孫

熊野十二神社

中有感慨



山擁神園高聳東老松日夕起清風崇祠長有國琛在  
丹彩重修十二宮

訪阿部馨山家 四首

遠登樵路到君家松下移牀閒喫茶一色映山紅欲滴  
杜鵑血染幾叢花  
絕無塵處有流泉洗耳中庭借榻眠何物一聲呼我夢  
子規啼破滿溪煙  
一天梅雨遠驅車十里清溪路又斜魂遠千山招不返  
囊無一句到君家

寫得滿足

三四不多經人題破太好

樹色變鳴禽今得生用通  
幽後七字何等斬新工夫

滿目青山都是詩于晴于雨兩相宜禽聲樹色看已變  
新綠一天新子規

訪揚硯堂市隱

門外紅塵曾不侵松濤謾謾午窻深無媒逕路尋君到  
話盡平生風月心

山陰遊吟 二十三首

車過山陰

六十洞門三十灣奔車沿海又依山煙連林壑邈迤外  
日落魚龍曼衍閒

詩亦選至引人入勝



幽人胸中別有一天地

幽討自怡爲客忙  
靈泉一浴滌塵腸  
任他名利人閒事  
逆旅百年天地長

三朝川

堪思樹色帶蟬鳴

十里秋光落我前  
板橋橫劃一川  
煙數聲如話  
吟人苦  
高樹斜陽有亂蟬

遊大久保神社

一派清泉石路通  
三朝古廟小林中  
物憑老樹晝猶暗  
暫倚蟠根快受風

煙霞成病未必要能痊

三朝溫泉

白狼奇事口碑傳  
火井相通七百年  
笑我煙霞成痼疾  
靈泉一浴可能痊

携兒女守安章及孫女幸枝美枝

三朝溪水檻前流  
洞口雲歸晚雨收  
遠膝兒孫爲伴侶  
秋窻老客不知愁

後對作格饒有幽意

客夜思詩過幾更  
一聯時有枕頭成  
籬邊蟋蟀傳秋意  
窻外芭蕉滴雨聲

中秋



問其問甚

醉仙勝于吳剛萬萬矣

脩拾郎是官谷已有此語

山脚奇雲拖雨來新愁又被草蟲催一年一度今宵月  
不見清光入酒杯

中秋後

月照栖鴉難得眠桂花風冷露光妍樽前不似前宵景  
但是人閒有醉仙  
橋頭東望一川長月下金波碎有光百步之閒詩可拾  
唾珠幾顆欲盛囊

偶吟

緬思神代幾千年靈跡長留北海邊開地山中如杵臼

即日即興皆佳

大平有象

巖閒暖浴一潮泉

山月揚輝秋色清燈殘漏盡夢難成夜深何物入幽聽

野鹿前峰時一聲

夜雨溪流灘勢加山雲來濕讀殘書樽前鼓舌試新味

昨夜漁舟入網魚

謁大社

八雲鶴龜三峰護神宮

八雲龜鶴聳中天樹護神宮青蔚然威德四民欽盼嚮  
稻梁瑞色滿秋田

稻佐夕日二見



稻佐西沿日本洋碧波萬里接空蒼雌雄巖立如浮水  
日落巖閒星吐芒

千鳥城

冲天層閣勢巍巍巨樹林閒一望微山擁平湖青不了  
幾群沙鳥掠波飛

宿碧雲湖皆美樓

四邊皆美望湖樓縹渺碧雲千里秋縱有鱸魚鮮可擊  
西風不送季鷹舟

大圓庵

二十八字托與微婉靈微  
相逢盡道罷官去林下何  
曾見一人不及此詩之婉  
意

大守風流長堪可飲

幽境長杉翠帶煙苔碑一片想往年名公老後茶三味  
空剩圓庵親汲泉

到三保關舟中

白帆波趁碧潮還百里烟光三十灣指點灣頭老松鬱  
神宮深護夕陽山

遙拜船上山

朝開荊棘築孤城奉詔微臣豈願生錦旆颺風船上嶽  
汗青長有照功名

舟中望大仙嶽

土人謂山陰富士



三十三灣多翠松一聲聲度夕陽鐘  
插空有此芙蓉碧高出千峰第一峰

車中望隱岐

坐倚車窗傍海湄行宮何處旅人悲  
白帆影沒碧波渺一朵遙岑是隱岐

客路沮雨

風風雨雨久淹留兒寄家書百里郵  
千嶽萬峰青不隔夢逢松菊故園秋

旭光照波

情在筆先筆實可想

扶桑高挂海嘯明萬里晴波漱澗平  
無復風塵傳一警蚪南蝦北入正春

凌滄園偶吟 四首

筆海

海上長風拂葛衣行吟沙背對殘暉  
歸帆影掠遙螺翠白鷺白鷗相逐飛  
門前白石綠苔磯風月一竿堪忘機  
今夜分燈修釣具妻兒爲理綠蓑衣  
山陽海國好風煙銷夏蘋汀蓼渚前  
六月舟中不知暑

措語之妙能化落想之陳  
司空表聖云如時不盡與  
古爲新

今之羊裘子物色者誰



曲意可知

筵席涼味枕眩眠  
午熱熅熅逼屋椽好移吟榻試閒眠  
蕉天苔地涼如水  
解事山童茶一煎

東遊吟草 九首

江之島

續島七字明秀

夕陽樹色隔崖多繪島風煙細細波樓閣高低皆倚壁  
有人把酒試高歌

大塔宮

松杉長護古宮深啼血鶉聲白日陰  
桀狗吠堯何可咎

此詩不移得他所

千秋嫉視逆臣心

謁賴朝墓

金殿無基趾久存行人到此弔英魂  
鎌臺山色古松柏  
險翠奇青護墓門

鶴岡八幡宮

放鶴不歸靈廟存源家霸業有誰論  
我來弔古公孫樹  
憶到縑絲又斷魂

華嚴瀑

石燕在本邦唯栖華嚴瀑  
有耳起句及此亦切本地

差池石燕認于飛瀑到華嚴天下稀  
雷震乾坤如劈耳



雪花六月撲吟衣

中禪寺湖樓

繞湖山色翠依微  
放卵鱒魚今已肥  
躡破白雲投宿好  
銀盤紅脰酒魂飛

日光廟

天下諸侯助土功  
彫金鏤玉見名工  
崇祠輪奐真無二  
秋在霜楓爛漫中

泉岳寺義士墓

遺臣一誓衆心堅  
命比鴻毛忠孝全  
二百年來蹤不滅

香煙縷縷刃碑前

拜明治神宮

白沙神道坦乎通  
一帶深林護聖宮  
億兆庶民日如織  
皇靈萬古扇仁風

宇治川觀螢

興聖寺鐘過水多  
峽中樹色落長河  
可憐無月無風夜  
萬點亂螢飛照波

須磨浦

沙白松青路自通  
行宮何處已爲空  
王孫不見當年恨

峽中七字包括菟水全景



唯付漁兒一笛風

明石城望阿波路島

老松蒼鬱擁荒城指點林閒碧海平前島浮波波遠島  
青嵐影映夕陽明

孟夏過撫松訪竹村舍

酒席相逢一笑同彩牀松下臥清風閒中日月老餘興  
多在澆書攤飯中

壬戌既望宇治川爲景蘇之舟遊

江風山月擬蘇遊菟峽舟如赤壁舟後八百年今夕飲

詩思道上筆路高竒知與  
夫水月同其清

詩魂酒魄壯高秋

津田濱

十里青松映白沙秋潮凝碧鏡光加垂鞭信馬歸三里  
一路又無沽酒家

栗林公園掬月亭觀月

良宵共倚碧欄干露滴桂花秋欲寒坐舉玉杯跳玉兔  
一樓人月共團樂

嚴島 二首

水煙遶島碧濛濛船破水烟深處通曲曲迴廊華表外

興到之語神來之候

本地勝概二十八字得之



海龍呵護一神宮

一境神山萬樹楓  
秋分深淺醉霜風  
當年知歷刀兵劫  
葉葉猶留血染紅

癸亥元旦

滄桑軒外數峰連  
丹鶴一聲朝旭圓  
現出大平真氣象  
瑞雲五色引祥煙

藤波千溪荒木看雲松  
田蜂城長谷

子喜四詩賓訪吾滄桑  
軒雅談而歸

次看雲詩韻 二首

仙客叩門袖句來  
滄桑小屋倚崖嵬  
半樽村酒催吟興  
一路惜君追月回

松柏山村鬱作隣  
家僮掃徑早迎賓  
寒廚有酒無兼味  
重待桃花三月春

人日

草堂人日賦新詩  
春到橫斜竹外枝  
有約未來三兩友  
梅花點白映吟髭

曉雪 二首

昨夜寒風不斷吹  
凍魚潛在結冰池  
中庭竹折尺餘雪

館舍自在能得題神



烏雀啾啾如訴飢  
掃雪曉庭勞小僮宵來雜樹着花同孤峰金甲最高頂  
又落銀裝一色中

梅莊

數樹寒梅遠竹籬東風馥郁入書帷遷喬黃鳥聲猶澁  
春信纔傳三四枝

孫賴則患熱既痊

昨夜病魔來襲家今朝驅逐去蹤踪匹如草木經霜雪  
更得春風欲着花

探梅 二首

青袍烏帽曳筇行探得梅林半日程花訝玲瓏枝上雪  
遷喬猶澁一聲鶯

江南雪後訪春來村有梅花處處開一路戴家雙斗興  
更遭數囀早鶯催

荻野龍峰逸人辭某銀行

自言半世奈無功回首名場一夢同歸去來兮龍峰下  
孤松老菊傲秋風

瑜伽神社

二首意在筆先妙不自尋



忍看兒島一神宮殿宇荒頽委兩風老檜半枯華表外  
古來輪奐至今空

兒島富士

新拓山道呼富士公園

三峰面海入看同新拓山蹊頂上通脚下茫茫青似染  
潮波麥浪一眸中

藤戶八勝 八首

藤戶名稱出從海峽浪花

藤戶浦

古廟謂鎮海神

鬱鬱長松蒼翠連林間古廟于今傳奇巖百尺浪花影

三四即景之語其狀如視

碎作騰空龍窟烟

浮洲岩

長汀數里化田疇一角猶餘蘆荻洲藤戶奇岩人知否  
波間暗礁有時浮

鞭木

當年藤戶老漁郎指點蒼波望渺茫一枝標示潮深淺  
長成今日十尋椽

先陣庵

赤旌白旆壓乾坤三萬貔貅扼海門駿馬截波先渡水



老杉陰裡一庵存

賜川

後人傳是赤旌岡聞昔源平古戰場血染桃花三月水  
一川疑瀉萬夫腸

藤戶寺

老松森翠蔭藤門金碧莊嚴寺閣存鳴磬讀經聲不絕  
行人長弔古英魂

經島

古今漁老一生涯時有海中魚腹屍無復行人來弔跡

八勝中落想造語最推傑  
特亦有馬頭米囊之看

山僧供養護殘碑

篠無島

阿母呼兒眼欲枯淚沾亂篠絕根株百年恩愛千秋恨  
有似冤禽填海無

本莊山寺趁看梅約

昨約一遊山寺梅春風無賴入林來雛僧休掃花狼藉  
猶有芳魂委碧苔

伊勢大廟

清廟仰瞻茅屋尊天家烈聖是雲孫千秋不濁鑿川水

的是大廟不移得於他



萬疊銀山遠發源

鳥羽待月樓

待月唯宜待月亭  
棹歌遠近夜來聽  
驪龍空在海中戲

漁火繁於萬點星

春日遊仁和寺

五山僧寺五雲屯  
渴仰千秋佛德尊  
香火因緣善男女

萬櫻花擁一禪門

春日拜謁平安神宮

滿苑櫻花千樹春  
香雲鬢鬢罩晴晨  
緬懷桓武遷都後

神來氣來初有此作

詩亦如香刹七寶莊嚴

雨露天恩霑四民

謁木戶公神道碑

霏微春雨鳥聲閒  
一路櫻雲掩映間  
勅撰有文傳千古

豐碑十丈屹靈山

大覺寺

嵯峨天皇金字御宸筆心經世為寺寶

半是成紅半是青  
霜楓如錦賁禪庭  
嵐山大覺古香刹

宸筆長傳金字經

星島對山君齋六甲山莊舊學友

加藤讓兄昔遊逸話傳予



萬疊銀山遠發源

鳥羽待月樓

待月唯宜待月亭  
棹歌遠近夜來聽  
驪龍空在海中戲  
漁火繁於萬點星

春日遊仁和寺

五山僧寺五雲屯  
渴仰千秋佛德尊  
香火因緣善男女  
萬櫻花擁一禪門

春日拜謁平安神宮

滿苑櫻花千樹春  
香雲鬢鬢罩晴晨  
緬懷桓武遷都後

神來氣來初有此作

詩亦如香刹七寶莊嚴

雨露天恩霑四民

謁木戶公神道碑

霏微春雨鳥聲閒  
一路櫻雲掩映間  
勅撰有文傳千古  
豐碑十丈屹靈山

大覺寺

嵯峨天皇金字御宸筆心經世為寺寶

半是成紅半是青  
霜楓如錦賁禪庭  
嵐山大覺古香刹  
宸筆長傳金字經

星島對山君齋六甲山莊舊學友

加藤讓兄昔遊逸話傳予



少時同學在同巒聯袂朝朝呼弟兄憶起楊州歌吹地  
萬樓燈影滿街櫻

癸亥春新構講堂于兒島富士山頂

城址

荒城久在翠微巔兔矍狐仇三百年欲弔英靈新卜址  
講堂金碧耀中天

荻野龍峰吉田貫堂訪凌滄墅 二君皆在職

忙裡偷閒亦寄哉清遊詩酒好為媒與君半日須同醉  
好喚渚鷗洲鷺來

詩詩二字實注後句

年少氣銳其志未定實可  
自戒者學海風波耳所告  
最遲時弊讀者宜三致意

凌滄墅所見

凌滄村墅步尋詩潮水通渠直到池綠樹影沈魚上木  
不知傍有鷺鷥窺

長孫百勝新入高等學校臨行賦似

去臨歧處感如何欲語百端心緒多身似孤舫浮學海  
視星須避大風波

中村筆海歸南湘次韻

拋却虛名笑我頑簔衣獨指水鄉還釣魚換酒無他事  
日伍沙鷗忘世艱



同次韻

空思往事少朋儔  
風月依然筆海秋  
漁笛樵歌山又海  
詩人好在此間遊

筆海所見次韻

日東三景入双眸  
松島天橋波面浮  
前峽風光嚴島似  
南湘海色一門秋

小野秦川訪凌滄墅次韻

遠負吟囊入海洲  
南湘風物使人留  
烟波無限一遊跡  
浩蕩人如浩蕩鷗

上京

山迎水送路相連  
輾地車聲走亂烟  
看過駿州唯一瞬  
青蒼關左八州天

癸亥猛夏偶逢井上日銀總裁

於函根權現神境

老杉呵護古神宮  
山色奇青險翠中  
路遇佳人惜分袂  
清涼又浴樹間風

蘆湖

關址猶存函嶺巔  
老杉一帶徑盤旋  
中天八朶殘雪影

巧用駿州字與濤聲城岳  
州略同

明漪絕底



倒入湖心大白蓮

伴長男祐避暑強羅

車聲過麓到山巔  
路入強羅湯戶連  
綠樹埋樓雲滿壑  
聯牀日夕浴靈泉

苦熱

連日無風無雨天  
火雲屹在赫曦前  
解衣仰臥肌流汗  
滿樹群蟬奪午眠

七夕苦熱

時逢七夕碧天晴  
秋暑夜闌眠不成  
雨瀉星河涼萬斛

人間到處喜蘇生

蘭盆祭

年年家祭古蘭盆  
我祖貽謀道永存  
瓜架豆棚清淨座  
佛燈影裡賦招魂

東都震災後書感

復興須講帝都安  
霜月秋深照玉欄  
應泣仁慈坤德厚  
三千赤子忘飢寒

甲子元旦遙想災後東都

都化荒原東海濱  
絲綸煥發撫災民  
皇臺曉望炊煙起

繪出心聲溫敦得旨



板屋齊迎甲子春

新年言志

人家百萬半成灰定有東風禳火災  
一夜渡江梅柳色  
賁將御苑早春來

送井上前藏相游歐米洲

罷官萬里向西歐又試觀光北米洲  
祇役本非過兩地  
此遊知是最風流

謝野崎梅莊翁贈新和布

梅翁佳贈是芳情海草春芽上膳萌  
今夜酒優前夜酒

脫卸輕妙

樽前風味有新羹

遊梅村

杖屨尋梅野徑微追隨公子有金衣  
花堆萬玉玲瓏白  
莫怪吟人唾墮瓊

百花園

百花園裡日徘徊時雨時風次第開  
老倦拋書將喫茗  
銅瓶先插一枝梅

早春三七日順拜林鄉七箇寺

弘法大師

雪喉弄珠不及吟人唾瓊



可補風土記

七山七寺在林鄉野草野花春日長善女善男隨喜淚  
一場香火大師堂

過林鄉弔五流院荒墟 二首

註北條氏之亂賴仁親王被流此地  
子孫為五家稱五流世為道士

可補風土記

一路無端憶舊遊林鄉景物似和州紫衣道士今何在  
我與何人話五流  
五院全荒人不來淒涼景物草成堆依然猶聽遷喬鳥  
竹外三株有古梅  
看春柳有感

于蔡二家觀之必也別立  
一格補其遺

楊柳青青萬縷垂東風一路弄春姿人間百歲須成醉  
醉欲醒時髮欲絲

春日長男笠溪獵游泊備東灣

獵舟舟泊備東灣曉日三竿遠出山歛澗水平篷窗外  
一群浮鴨浴波間

星島昂君弔經寺山古墳

騎士揚揚藤戶東金鞍鞭馬趁春風誰知古墳何處是  
野雉驚飛蔓草中

春日長男祐携老父舟遊兒島灣

註灣茫茫淺海  
舟子屢迷航路



兒慰衰翁載酒游海光山色落扁舟春潮平漲迷來路  
好與沙鷗任去留

鴨涯

繁華歌吹小楊洲兩岸煙浮碧玉流二十四橋楊柳樹  
春風無處不紅樓

謾言

喬松常有後凋名桃李花開空復情皓齒明眸多薄命  
黃顏瘦骨却長生

兄弟吟 二首

草木春暄均吐萌同經霜雪有枯榮人間又似花開落  
宜保連枝弟與兄  
桓山雛鳥別離情臨去相悲不忍行翻思交柯同種物  
一枝憔悴一枝榮

家祭

註祖先墳在吾邸

松柏成陰護石門五輪古塔一雙存年年家祭蘋蘩奠  
伏臘有貲傳子孫

獨樂庵

曾厭塵寰晦姓名小庵得意養幽情誰知獨樂先生意



坐賞山花臥聽鶯

芳野 二首

形勝山河古戰場  
僧兵難復制豺狼  
南朝五十餘年事  
空見櫻花映夕陽  
延元往事夢膏騰  
春色櫻雲白幾層  
哀鳥有聲何忍聽  
落花如雪古皇陵

牡丹 二首

濃艷一枝傾國真  
百花衆草視如塵  
詩成自比清平調  
孰與沈香亭北春

知有詩人帶笑看

殿春花映午風  
看移得一株紫牡丹  
含笑向人嬌欲語  
貴妃醉倚玉闌干

夜櫻對酌

三春三月我園林  
一榻呼僮對客斟  
只好低枝高挂燭  
花香花影落杯心

贈星島義君

君供馬術及駿馬東宮英覽得上班之榮

滿身雲影玉青驄  
逸足絕群恣態雄  
善馭想君能盡術  
五花汗血一嘶風

詩亦如奔馬注坡所向無空調



大正十三年春詣藤戶寺觀世音開扉

三十三回辰

觀音佛坐玉蓮臺古寺春風錦帳開  
楊柳桃花江上路  
善男善女薦香來

甲子初夏遊洛 十七首

長樂寺謁山陽先生墓

一家私史夙傳名王霸古今論亦精  
紫翠東山長樂寺  
心香先捧賴先生

大原三千院

起二語已盡山陽先生其人以下輕卸無限餘波

筆底智珠玲瓏

苔埋老杉石礎蒼宸筆高懸古道場  
壁上丹青留劇迹  
靈龕香火拜空王

瓢亭小酌

南禪寺畔一瓢亭染盡鬚眉樹色青  
空翠飛來圍酒座  
東山六六好成屏

大悲閣

無人來賞萬株櫻却自雨餘携杖行  
五月嵐山大悲閣  
山鶯聲和石鷄聲

春日神社

瓢亭所見其景宛然在目



廟前沙路樹間幽綠護崇宮清澗流憶到七朝全盛日  
唯看神鹿伴人遊

三月堂

石燈無數樹葱葱吟客來遊拜梵宮三月堂高千古在  
慈顏靈像最精工

法隆寺金堂

千古伽藍見七堂莊嚴遺構一靈場南都盛事徵文獻  
壁上丹青粲有光

遊鳴尾菴園

二十八字可抵伽藍記

千畦菴圃浴薰風短蔓蒼莖結實紅村女三三還五五  
夕陽歸路各提籠

寶塚溫泉偶逢佐藤松園

大野卯吉翁携手遊箕面

偶逢舊友白雲前已憶同遊過十年洞壑楓陰三里路  
箕山坐石見飛泉

午天冥昧滿溪煙路入陰厓萬樹連行聽山雷轟絕壑  
銀河倒影下飛泉

同遊濱寺公園



高樓置酒共酩酊  
濃霧深籠淡攝間  
須得飛舟西赴海  
星羅嶠嶼浪搖山

遊茶白山雲水庵

吟筇訪古石礮攀  
庵對蘆池坐看山  
茶白無蹤徒翠黛  
高松脩竹暮禽還

六甲山浴苦樂園鑛泉

日苦浪華街路塵  
甲峯峯腹曳筇人  
鑛泉一浴洗心好  
海國風烟吟眺新

訪昔友加藤謙堂于六甲山

吸霞庵

庵臨幽澗碧流深  
洗耳澄心聽水琴  
五十年前江都友  
喫茶話盡去來今

謁楠公碑

知公忠烈震乾坤  
古道精華萃一門  
七字嗚呼楠子墓  
千秋不墜大和魂

布引瀑

吟筇數里遶崔嵬  
綠樹倒懸鳥道開  
飛瀑千尋如引布  
山呼谷答響山雷



諷訪山遊園望神戶湊

山園一望入雙眸  
白堊瑠璃滿街樓  
斜日旌檣林立影  
恍疑羈旅在歐洲

題亡妻肖像似子孫

遺真入畫玉如溫  
髣髴看疑復返魂  
兒輩各嘗熊膽苦  
一生不可忘慈恩

凌滄園夏曉

村墅四邊松樹齊  
鷺栖山下白雲低  
欲催晞髮凌滄興  
忽有詩魂飛海西

熊膽助動風毛得  
春有此母面有此子

八月十六夜南海丸船中看月

時有吹笛者 二首

潮漲天邊一道平  
長風遠越海門清  
舳頭夜賞屋山月  
驚殺魚龍笛一聲  
萬頃金波讚備山  
航程百里棹謳間  
兒孫皆侍篷窻  
月散空明海峽間

祈雨

今年恐有失西成  
秋旱千村欲廢耕  
百姓祈天今日淚  
化為慈雨灌平田

積陽隆早從夏屆  
秋天降此膏其意不可知



喜雨 二首

野田水涸及畚菑到處農村人共悲  
太旱雲霓三日雨百禾回色浴天慈  
熾熾焦土七旬長臥榻披襟汗似漿  
一雨晴來天入夜銀河之水瀉秋涼

藤江詩稿 三集

黃薇 藤江 日笠哲夫

憶家山

曾出鄉關住旭江思兒魂夢遶他邦  
依然十六峰頭月空照棕陰三尺窻

柳亭

水亭深鎖澹煙中雙斗聽鶯興不窮  
裊裊可憐楊柳影細腰盡日舞春風

森川竹磯健日即景琢句  
自是清新



惆悵切情纏綿多思

秋夜悼亡

一爐香燼夜三更  
衾冷枕孤眠不成  
風入西窗碧紗動  
依稀如影月痕清

福岡游蹤 十首

香椎宮

祠前綾杉神功皇后手栽

聞道行宮憑翠巒  
綾杉千歲老根蟠  
想看神后西征日  
長使韓人肝膽寒

名島

島側橋巖亦為一名勝

怒浪飛花衝海門  
白鷗長弔藻根魂  
凱旋戰艦泊名島

贏得帆檣化石存

地藏松原

十里老松滄海邊  
林間晝暗路回旋  
遠波縹渺天連水  
一帶斜陽一抹煙

宮崎八幡宮

十里青松壓白沙  
海潮漲處浪生花  
胡船覆沒蹤安在  
萬古神風奏琵琶

宰府飛梅

長仰一株遺愛存  
黃昏挂月立神園  
花隨菅相流芳久



宰府飛梅千古尊

西公園望筑紫富士

園臨碧海望何窮  
無數布帆輕逐風  
西峽模糊蒼波外  
芙蓉影映紫雲中

西戶崎

快哉玄海渺無邊  
萬馬奔騰欲蹴天  
想見鱉艦當年戰  
夕陽如血射潮鮮

百路松原

古松一帶翠陰清  
玄海茫茫眼界平  
胡虜未知築城術

長蛇防壘轉縱橫

千代松原

憶昔豐公試遠征  
千軍萬馬亂縱橫  
當時燒葉煎茶處  
剩有松風謾謾聲

福岡病院

萬松繞屋綠成圍  
養得沈痾與俗違  
夜雨蕭蕭孤枕冷  
夢魂仍向故山飛

丙辰夏藤江自鎮西還詩書以寫所觀勝景寄示賦此以謝

一卷雲煙付遠郵  
曾蹤歷歷聚双眸  
無聲詩又有聲  
畫憶起六旬年外遊

八十七老舅 中洲 三島 毅

既是養痾何況得詩佳句  
層出寫景明迥正所謂不  
費經營而兼妙舉羨者也



即景琢句清純尤覺神味

雨過苔徑履痕稀  
午睡醒來着袂衣  
葉底幽花紅尚濕  
早看胡蝶作雙飛

幽莊

雨後旭江樓與東馬半田翁相酌

淡遠自遙情逸致

一白模糊望欲迷  
欄干人倚旭江西  
細風吹雨開圖畫  
十六連峰壓屋低

中秋觀月

平淡中有一種旨味

招邀詩友設吟筵  
走筆縱橫頻染箋  
明鏡擎來山一角  
煌煌遍照界三千

能脫窠臼得宗詩妙語

中秋無月

燈前呼酒倚南樓  
桂子飄香夜色幽  
莫是廣寒深惜月  
偏將陰雨作中秋

白菊

三徑蕭蕭水竹莊  
晚來對酒賞秋光  
宜詩宜畫庭前菊  
一簇成堆雪有香

脫口成章白菊饒有神味

蘭

多年消受雪兼霜  
百草叢中獨占芳  
知己可憐騷客在  
緜來千古仰餘香



看嵐山楓

好秋晴色望中同  
曲曲嵐山鳥路通  
霜葉欲然夕陽裡  
如花紅映醉顏紅

閒居

苔巖遶屋翠微間  
溪水縈回擁竹關  
福地致身真樂足  
閑窻日日對青山

初冬訪星島鳴瀧園 二首

斯日有濃茶供故及

星翁迎我入瀧園  
四壁丹青欲奪魂  
小杓汲來煎石鼎

隨手點綴不主故常亦自有韻趣

數甌茶味絕心煩

同園所見

海灣近隔瀑園東  
水拍巉巖遶碧蘂  
坐看群鳥翔鳥嶼  
匹如枯葉舞寒風

大橋草秋別墅竹泉亭陪茶席

壁間挿瓊花

寒流石上竹園家  
手自汲泉閒煮茶  
一碗香濃三昧裡  
老來貪見白瓊花

藤波千溪曰不讀君詩久矣三首氣漸老蒼語近自然

三首敘事平坦



詩句和歌意亦可誦

魯殿靈光異是昭代瑞

筆姿韶秀與春開妍

遠山雪

百里沙隄一帶松晴波漱澗蘼春容群山跪坐如相揖  
雲表玲瓏不二峰

祝宮中顧問三島中洲大翁米壽

有金製稻穗 恩賜故及

米翁矍鑠帝王師優渥天恩逐歲滋可擬日東大平國  
黃金瑞穗滿田垂

溝手氏邸觀櫻

映壁臨崖池上家櫻雲松靄四圍遮惱人無限春光好

一氣潭成無限蘊藉

雅淡幽靜想見其人

坐聽啼鶯靜看花

漫言

借得春風莫漫誇不言桃李却繁華誰知日日門成市  
爲是吾園自有花

丙辰春十六峰書屋待賓小醺茶會

十六峰前隱士家半山新綠半村紅招賓却笑淡生計  
一串枯魚三椀茶

中秋釣筆海 二首

悠悠托跡此扁舟群嶼參差筆海秋心到忘機天地潤



一竿風月伴閒鷗  
漱澗煙波萬頃流  
白帆斷續逐白鷗  
垂綸投餌同爭釣  
無數紅魚躍入舟

上村實劍曰句句鍛鍊忘機閒鷗昭應極佳

大正十三年九月二十一日印刷  
大正十三年九月二十七日發行

(非賣品)

發行人 岡山縣兒島郡藤戶町八百九十二番地  
編輯人 日笠哲夫

印刷人 岡山縣岡山市門田九十五番地  
村本万龜男

印刷所 岡山縣岡山市東中山下百二十三番第一地  
研精堂印刷所

284

200



終

